

Na osnovu člana 2. stav (3) Odluke o utvrđivanju uslova, kriterija i postupka za obavljanje pripravničkog i volonterskog staža branitelja i članova njihovih porodica, ("Službene novine Tuzlanskog kantona", broj: 9/14), Sporazumom o realizaciji VI Programa sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, broj: 15/1-05-016991/17 i broj: 01-34-202/17 od 03.07.2017. godine, koji su zaključili Ministarstvo za boračka pitanja Tuzlanskog kantona i JU Služba za zapošljavanje Tuzlanskog kantona i VI Programa sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica, Ministarstvo za boračka pitanja Tuzlanskog kantona objavljuje

JAVNI POZIV

za učešće u VI Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica

1. Pravo učešća

Pravo učešća u VI Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica imaju poslodavci sa područja Tuzlanskog kantona.

2. Poticajna sredstva

Finansijska sredstva za podršku sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, obezbjeđena su u Budžetu Tuzlanskog kantona, u iznosu od 500.000,00 KM.

Ova sredstva će se usmjeriti za sufinansiranje poslodavaca, koji će zaključiti ugovore o obavljanju stručnog osposobljavanja bez zasnivanja radnog odnosa / volonterskog staža sa osobama VSS, sa osobama koje se nalaze na konačnoj listi kandidata Ministarstva za boračka pitanja Tuzlanskog kantona (u daljem tekstu: Ministarstvo), broj: 15/1-41-015401/17 od 30.06.2017. godine, u trajanju do 12 mjeseci (na rok utvrđen u Konačnoj listi kandidata), radi stručnog osposobljavanja za samostalan rad, bez zasnivanja radnog odnosa, kako bi stekli radno iskustvo, potrebno za rad na određenim radnim mjestima ili za polaganje stručnog ispita.

Poslodavcu će se sufinansirati sredstva u bruto iznosu od **230,00 KM** mjesečno, po osobi.

3. Pregled zanimanja osoba sa konačne liste kandidata Ministarstva

R.br.	Naziv stručne spreme	Broj
	Bachelor - Inženjer geologije	4
	Bachelor - inženjer građevinarstva	5
	Bachelor - Inženjer hemijske tehnologije	5
	Bachelor - Inženjer hemijskog inženjerstva i tehnologije	3
	Bachelor - inženjer mašinstva	1
	Bachelor - Inženjer prehrambene tehnologije	7
	Bachelor - Inženjer rudarstva	9
	Bachelor - Inženjer rudarstva za bušotinsku eksploataciju	4
	Bachelor - Inženjer saobraćaja	1
	Bachelor - Inženjer saobraćaja , smjer telekomunikacije	1
	Bachelor - Inženjer sigurnosti i pomoći	4

	Bachelor - Inženjer zaštite okoline	1
	Bachelor biologije	1
	Bachelor bosanskog jezika i književnosti	2
	Bachelor ekonomije	19
	Bachelor Engleskog jezika i književnosti	2
	Bachelor filozofije - sociologije	2
	Bachelor fizike	1
	Bachelor geografije	2
	Bachelor historije	1
	Bachelor inženjer elektrotehnike	9
	Bachelor inženjer hemijske tehnologije	1
	Bachelor kriminalistike	1
	Bachelor logopedije i surdoaudiologije	2
	Bachelor matematike	1
	Bachelor pedagogije	1
	Bachelor pedagogije i psihologije	2
	Bachelor političkih nauka	1
	Bachelor poljoprivrede	2
	Bachelor poslovne ekonomije	1
	Bachelor prava	18
	Bachelor primijenjene biologije	1
	Bachelor primjenjene hemije	4
	Bachelor razredne nastave	3
	Bachelor sestринства	1
	Bachelor socijalne pedagogije	2
	Bachelor socijalnog rada	2
	Bachelor tehničkog odgoja i informatike	1
	Bachelor turskog jezika i književnosti	1
	Bachelor žurnalistike	2
	Bachelor-inženjer sigurnosti i pomoći	2
	Bachelor-inženjer zaštite okoline	2
	Bakalaureat medicine i Bakalaureat hirurgije	1
	Diplomirani agronom	1
	Diplomirani defektolog oligofrenolog	1
	Diplomirani ekonomista	4
	Diplomirani fizioterapeut	1
	Diplomirani informatičar	1

	Diplomirani inženjer prehrambene tehnologije	1
	Diplomirani inženjer šumarstva	1
	Diplomirani inženjer saobraćaja	1
	Diplomirani menadžer bezbjednosti	1
	Diplomirani pravnik	7
	Diplomirani socijalni pedagog	1
	Diplomirani socijalni radnik	2
	Magistar elektrotehnike	1
	Magistar prava	2
	Pravnik kaznenopravnog smjera	1
	Profesor bosanskog jezika i književnosti	1
	Profesor hemije	1
	Profesor razredne nastave	1

4. Potrebna dokumentacija za učešće u Programu:

a) Zahtjev za sufinansiranje osoba radi obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica sa VSS, koje se nalaze na Konačnoj listi kandidata Ministarstva, uz **obrazac** "potrebe za osobama - stručno osposobljavanje /volontiranje" za koje se podnosi zahtjev,

b) broj računa u poslovnoj banci na koji će se sredstva doznačiti, i

c) posljednja specifikacija o isplaćenim plaćama - osim za organe državne službe i javne ustanove.

Poslodavci koji nemaju zaposlenika prijavljenih na jedinstveni porezni sistem, te poslodavci koji svojom djelatnošću nisu u mogućnosti osigurati osobama stručno osposobljavanje bez zasnivanja radnog odnosa / volonteru, sticanje radnog iskustva, potrebnog za rad na određenim radnim mjestima njihove stručne spreme ili za polaganje stručnog ispita, ne mogu učestvovati u ovom Programu.

Ugovor o obavljanju stručnog osposobljavanja bez zasnivanja radnog odnosa / volonterskog staža ne može biti zaključen prije zaključenja ugovora sa Službom.

5. Prioritet kod odobravanja sredstava

Kod odobravanja sredstava, namijenjenih za sufinansiranje obavljanja stručnog osposobljavanja bez zasnivanja radnog odnosa / volonterskog staža, osobama iz ciljne grupe, ukoliko potražnja poslodavaca bude veća za određena zanimanja, nego što ima osoba na listi za tim zanimanjem, prioritet će imati poslodavci koje je i sam kandidat prethodno prihvatio.

6. Način isplate sredstava

Služba će poslodavcima isplatu sredstava vršiti, nakon zaključivanja ugovora i dostavljanja ostale dokumentacije (ugovor zaključen između poslodavca i osobe na stručnom osposobljavanju bez zasnivanja radnog odnosa / volonetera, dokaz da je osoba na stručnom osposobljavanju / volonterskom stažu osigurana za slučaj povrede na radu i profesionalne bolesti - obrazac JS 3120, i izjave osobe na stručnom osposobljavanju bez zasnivanja radnog odnosa / volonetera da je upoznata sa uvjetima programa) sukcesivno, u mjesečnim ratama od 230,00 KM, po osobi, bruto, u trajanju do 12 mjeseci (na rok utvrđen u Ugovoru o sufinansiranju obavljanja stručnog

osposobljavanja bez zasnivanja radnog odnosa / volonterskog staža), uz obavezu poslodavca da osobi na stručnom osposobljavanja bez zasnivanja radnog odnosa / volonteru isplati neto iznos, za svaki mjesec 200,00 KM, kao naknadu za ishranu i prevoz, a preostali iznos od 30,00 KM uplaćuje na ime doprinosa za osiguranje za slučaj povrede na radu ili profesionalne bolesti.

Poslodavac je u obavezi pravdati dobijena sredstva za svaki mjesec.

7. Prava i obaveze

Prava i obaveze između Službe i poslodavca, regulisaće se međusobnim ugovorom, u skladu sa Programom i javnim pozivom.

8. Prijava na javni poziv

Prijave sa potrebnom dokumentacijom, dostavljaju se neposredno ili preporučeno poštom, sa naznakom „Prijava na javni poziv za učešće u VI Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica», birou za zapošljavanje prema sjedištu poslodavca ili Službi za zapošljavanje Tuzlanskog kantona, ul. Bosne Srebrene broj: 31., 75 000 Tuzla.

Javni poziv se objavljuje dana 07.07.2017.godine, na web stranici Vlade Tuzlanskog kantona, www.vladatk.kim.ba, na web stranici Službe, www.szztk.ba i oglasnim pločama biroa za zapošljavanje u svim grad / općinama TK.

Rok za podnošenje prijava je 15 dana od dana objavljivanja javnog poziva

Obrasci za apliciranje za učešće u VI Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica, dostupni su na web stranici Vlade Tuzlanskog kantona, www.vladatk.kim.ba i na web stranici Službe, www.szztk.ba., u nadležnim općinskim biroima za zapošljavanje i Službi

Prijave sa nekompletnom dokumentacijom, neće se uzeti u razmatranje.

Ministarstvo za boračka pitanja Tuzlanskog kantona